

Փորթուգալիա, Անգլիա, Ռուսաստան, Կատալոնիա Մեծ Կայսրուհու ժամանակ, Ֆրիդրիխ Մեծի Պրուսիան, Ստանիսլաւ Աւգուստի Լեհաստանը: Ամէն տեղ դառա ջերմ ընդունելութիւն, անցաւ անհաշիւ առադասաներով, արքայական պալատներէց փոխադրուեց ազքատ խրճիթներ՝ բոլորովին անտարբեր: Ամէն տեղ փնտռում էր հաճոյք ու զուարճութիւն եւ ամէն ինչ պահում էր յիշողութեան մէջ: Երբ ծերութեան հասակում գրեի է առնում իր «Յուշեր»ը, այնտեղ հաւաքում է ժամանակակիցներէ անհաշիւ պատկերներ, դարի զուարճութիւններէ եւ մոլորութեանց ամենալիակատար մի թանգարան: Այնպէս որ ուսումնասիրողներէ մէկը՝ Բարտոլոմէ իրաւամբ ասում է, թէ՛ «Եթէ ժ.Ղ. դարի եւրոպական հասարակութեան ներքին կեանքի մասին դադարիտը տուող ամբողջ գրականութիւնը կորչէր, միայն Կազանովայի «Յուշեր»ի մէջ բովանդակուած փաստերը բաւական էին հաստատելու համար մեծ յեղափոխութեան անխուսափելի անհրաժեշտութիւնը»:

Իր բոլոր թափառումների միջոցին Կազանովան մաքից չէր հանում Վենետիկ վերադառնալու ցանկութիւնը: Եւ որքան մօտենում էր ծերութեան, այնքան սուր էր դառնում վերադարձի ձգտումը: Վերջապէս, 1772 թ. նա վրձնում է տեղափոխուել Տրիէստ, որ մօտ էր Վենետիկին, որպէսզի անձամբ աշխատէ յաջողացրնել ներում ստանալու խնդիրը: Տրիէստում լաւ ընդունելութիւն է դանում Վենետիկի հանրապետութեան հիւպատոսի կողմից, որը տեղափոխում է նրան Ինկուիզիցիայի գաղտնի գործակալի պաշտօնում՝ յանձնելով նրան պայքարել Վենետիկից փախած հայ վարդապետների Տրիէստում հաստատուելուն դէմ եւ, յատկապէս, խանդարել հայկական տպարանի կազմակերպումը, որովհետեւ Վենետիկի կառավարութիւնը մեծ նշանակութիւն էր տալիս Վենետիկի հայկական տպարանին՝ մտածելով, որ այդ տպարանը գրաւում է հայ վաճառականներին եւ Վենետիկը դարձնում է արեւելեան վաճառականութեան կենտրոն:

Այս յանձնարարութիւնը Կազանովա կատարեց մեծ ճարտարութեամբ՝ երեւան բերե-

լով սրամտութիւն, հնարագիտութիւն եւ նոյն իսկ խիզախութիւն: Եւ, ի հարկէ, մեղքը իբր չէր, եթէ գործը յաջողութեամբ չպսակուեց: Անգամ ինկուիզիտորները ստիպուած եղան ընդունել, որ Կազանովան արժանացել է ներման եւ արտօնեցին մանել Վենետիկ*), ուր հասնելուն պէս նա նշանակուեց գաղտնի գործակալ, բայց այլևս հասարակական բարձր դիրք չկարուցաւ գրաւել: Նրա աստղը սկսում է մարել: 1776 թուին նա գործուղուում է Տրիէստ, ինչպէս հետագոտողներից ոմանք ենթադրում են, նոյն հայ վարդապետների գործով**): Յետոյ, նոյնպէս անյաջող, աշխատում է գործակալի դերում Անտոնիո Պրատտիլիի անունով: 1781 թ. նա վաճառում է ինչ որ մի յանձնարարութիւն, որի հետեւանքով շնորհալուրի է լինում իր իշխանութեան աչքին, զրկուում է մնայուն պաշտօնից ու սոսկից եւ սկսում է կատարել առանձին յանձնարարութիւններ, որոնց համար վարձատրուում է համաձայն ցոյց տուած գործի:

1781 թուից սկսած Ինկուիզիցիայի գիւլանում Կազանովայից զեկուցումներ այլևս չկան, իսկ մէկ տարի անցած նա թողնում է Վենետիկը: Ապա գրադարանապետի մի համեստ պաշտօն է ստանում Դուքս Վալլեայի դղեակում, Բոհեմիայում, ուր եւ ապրում է մինչեւ մահ:

Այստեղ էլ գրում է իր այնքան ազմուկ հանած հոշակաւոր «Յուշեր»ը:

Յուշերի վերջին գլխում, որ նուիրուած է իր Տրիէստ մնալու ժամանակաշրջանին, Կազա-

*) Ինկուիզիտորների 1774 թ. Սեպտ. 3 նիստի պատճառարանեալ արձանագրութիւնը, որպէս Կազանովայի գլխաւոր արժանիք, մասնաւորում է նրա փայլուն աշխատանքը հայ վարդապետների գործում: Արձանագրութիւնը ամբողջութեամբ սպուած է՝

Bezzoni, Le Annotazioni degli Iquisitory di Stato di Venezia. Archivio Storico Italiano, T. XI, p. p. 56-58, 1870:

**) Baschet, Les Archives de Vinse, p. 642: